

本書承

端木校長

惠贈

東吳大學圖書館

年 月 日





S
853.357
1062
V.1

大書

古文今字

121187

東吳大學圖書館



M10168312

甲子五月景印

陳乃乾篆耑

每部宣洋
兩元五角

元刊雜劇三十種今藏上虞羅氏舊在吳縣黃蕘圃不烈家書匣上刻蕘翁楷書十二字曰元刻古今雜劇乙編士禮居藏隸書二字曰集部往見蕘翁題跋輒自誇所藏詞曲之富而怪其所跋詞曲不過數種殊無以徵其說後見錢唐丁氏所藏元刊樂府新編陽春白雪湧陽端氏所藏元刊琵琶記二記皆蕘翁故物今復見是編雜劇三十種且題曰乙編則必尙有甲編丙丁以降亦容有之則信乎足以此自豪矣日本京都文科大學旣假此編景刊行世流傳中土者絕少又原書次序先後舛錯因爲之釐定並書其端曰元雜劇之存於今者寡矣國初藏書家蒐羅元劇者曰虞山錢氏江陰季氏錢氏也是園書目最錄元人雜劇一百四十種季滄葦書目有鈔本元曲三百本一百冊然其後均不知所歸亦未有紀及此事者蓋存佚已不可問矣舉世所見獨明長興臧晉元劇實尙不及百種今此編三十種中其十三種臧選有之其餘十七種則傳世內孤本并有自元以來未見著錄者有明中葉後人所不得見者於是傳世元

劇驟增至一百十有六種即與臧選複出者體製文字亦大有異同足供比勘之助且臧選刊於明萬歷間西廂刊本世號最善者亦僅明季翻刊周憲王本故南戲尙有元刊本而北劇則無聞焉凡戲劇諸書經後人寫刊者往往改易體例增損字句此本雖出坊間多訛別之字而元劇之真面目獨賴是以見誠可謂驚人秘笈矣原書本無次第及作者姓氏曩曾爲之釐定時代考訂撰人錄目如左世之君子以覽觀焉乙卯秋九月初吉海甯王國維

目次

大都新編關張雙赴西蜀夢

元關漢卿撰漢卿號已齋叟大都人太醫院尹案雜劇之名已見於唐宋時至元時雜劇一體實漢卿創之元鍾嗣成錄鬼簿著錄雜劇以漢卿爲首明竇獻王太和正音譜以馬致遠爲首然於關漢卿下云初爲雜劇之始均以雜劇爲漢卿所創也漢卿時代世無定說楊廉夫元宮詞云開國遺音樂府傳白翎飛上十三絃大金優諫關卿在伊尹扶湯進劇編是以漢卿爲金人

也錄鬼簿但紀漢卿爲太醫院尹而明蔣仲舒堯山堂外紀則云金末爲太醫院尹金亡不仕蔣氏之言不知有據否據陶九成輟耕錄則漢卿入元至中統初尙存而自金亡至元中統元年凡二十有六年則金亡時漢卿尙少壯也又鬼董一書末有元泰定丙寅臨安錢有孚跋云關解元之所傳世皆以解元爲即漢卿堯山堂外紀遂以此書爲漢卿所撰錢少詹補元史藝文志仍之案蒙古滅金後惟太宗九年一行科舉後廢而不舉者七十有八年是漢卿得解當在金世至中統之初固已垂老矣由是言之漢卿所撰雜劇六十餘種當出於金元興興元中統二三十年之間此劇刊板出于元季而上冠以大都新編四字蓋翻刊舊本也錄鬼簿太和正音譜並著錄

新刊關目閨怨佳人拜月亭

元關漢卿撰此劇紀事與南曲拜月亭記同皆譜金宣宗南遷時事乃南曲所從出也明人如何元朗臧晋叔輩激賞南拜月亭以爲在琵琶之上然南曲佳處多出此劇蓋何臧諸氏均未見此本也錄鬼簿太和正音譜也是園書目

並著錄錢目作王瑞蘭私禱拜月亭或係別本

古杭新刊的本關大王單刀會

元關漢卿撰錄鬼簿正音譜錢目並著錄錢作關大王獨赴單刀會

新刊關目詐妮子調風月

元關漢卿撰錄鬼簿正音譜並著錄

新刊關目好酒趙元遇上皇

元高文秀撰文秀東平人府學生早卒此劇錄鬼簿正音譜錢目並著錄

大都新編楚昭王踈者下船

元鄭廷玉撰廷玉彰德人錄鬼簿正音譜錢目並著錄元曲選乙集有刊本
新刊關目看錢奴買冤家債主

元鄭廷玉撰錄鬼簿正音譜錢目並著錄元曲選癸集有刊本
新刊的本泰華山陳摶高臥

元馬致遠撰致遠號東籬大都人江浙行省務官此劇錄鬼簿正音譜錢目

並著錄元曲選戊集有刊本

新刊關目馬丹陽三度任風子

元馬致遠撰正音譜錢目並著錄元曲選癸集有刊本

新刊的本散家財天賜老生兒

元武漢臣撰漢臣濟南府人錄鬼簿正音譜錢目並著錄元曲選丙集有刊本

古杭新刊的本尉遲恭三奪擗

元尚仲賢撰仲賢真定人江浙行省務官是劇錄鬼簿著錄元曲選庚集有
尉遲恭單鞭奪槊與此全異

新刊關目漢高皇濯足氣英布

元尚仲賢撰錄鬼簿正音譜錢目並著錄元曲選壬集有刊本不署撰人
趙氏孤兒

元紀君祥撰君祥大都人錄鬼簿正音譜錢目並著錄元曲選壬集有刊本

錄鬼簿元曲選作趙氏孤兒冤報冤錢作趙氏孤兒大報讐

古杭新刊的本關目風月紫雲庭

錄鬼簿於石君寶戴善甫下均有諸宮調風月紫雲亭雜劇君寶

正音譜元曲選錢目

均作平陽人善甫真定人江浙行省務官此本未知誰作

大都新編關目公孫汗衫記

元張國賓撰國賓大都人教坊管勾是劇錄鬼簿正音譜並著錄元曲選甲

集有刊本作相國寺公孫合汗衫

新刊的本薛仁貴衣錦還鄉關目全

元張國賓撰錄鬼簿正音譜並著錄元曲選乙集有刊本

新刊關目張鼎智勘魔合羅

元孟漢卿撰漢卿亳州人是劇錄鬼簿正音譜錢目並著錄元曲選辛集有

刊本作張孔目智勘魔合羅

古杭新刊關目的本李太白貶夜郎

元王伯成撰伯成涿州人錄鬼簿正音譜並著錄

新編岳孔目借鐵拐李還魂

元岳伯川撰伯川平陽人或云鎮江人錄鬼簿正音譜錢目並著錄元曲選

丙集有刊本作呂洞賓度鐵拐李岳錄鬼簿同錢作鐵拐李借尸還魂

新編關目晉文公火燒介子推

元狄君厚撰君厚平陽人錄鬼簿正音譜並著錄

大都新刊關目的本東窗事犯

錄鬼簿載孔文卿金仁傑所撰雜劇均有秦太師東窗事犯文卿平陽人仁

傑字志甫杭州人建康崇甯務官此本未知誰作正音譜錢目亦著錄

古杭新刊關目霍光鬼諫

元楊梓撰梓海鹽人至元三十年元師征爪哇梓以招諭爪哇等處宣慰司
官以五百餘人船十艘先往招諭之大軍繼進爪哇降梓引其宰相昔刺難
答吒耶等五十餘人來迎元史傳爪後爲安撫大使官至嘉議大夫杭州路總